




# Igalelo

April 2007

Official Newsletter of the KwaZulu-Natal Department of Transport



## UMnyango wethula uhlelo lokuqoqa imfucuza



Umcimbi wokwethula kukaSiyazenzela ubuhanjelwe ngoNgqongqoshe uBheki Cele, uLydia Johnson, uNdunankulu uS'bu Ndebele neNhloko yoMnyango uKwazi Mbanjwa abathathwe bemukelisa ngephasela komunye wabasebenza kulolu hlelo.

**U**Mnyango wezokuThutha KwaZulu-Natal ngokubambisana nomasipala waseHibiscus Coast sewethule uhlelo lokuqoqa kwemfucuza olwaziwa ngeSiyazenzela, emcimbini obuwenzelwe e-Agricultural Market ePort Shepstone oGwini muva nje.

Uhlelo lukaSiyazenzela lungaphansi kwe-Expanded Public Works Programme (EPWP) okuwuhlelo olwenganyelwe uMnyango wezokuThutha esifundazweni ngokuthunywa nguhulumeni waKwaZulu-Natal. Inhosongqangi yalolu hlelo ngukuhlanganisa izinhlaka zikahulumeni kuzwelone, esifundazweni nakumasipala ekutheni kusetshenisiwe abantu ekulethweni kwezidingo, ekulweni nobuphofu nasekwakhiweni kwamathuba emisebenzi ezweni.

Lolu hlelo luthathelwe edolobheni iCuritiba eBrazil lapho kunohlelo olwaziwa nge 'Garbage that is not Garbage'. NgoSeptember ka-2006, uNgqongqoshe wezokuThutha, ukuPhepha nokuXhumanisa uMphakathi uBheki Cele uhambele eBrazil eyocoshela ulwazi mayelana nezinlelo zakhona zokuthutha nezokuqoqa kwemfucuza.

Ithimba ebelihambe noCele libe selenza umbiko lancoma ukuthi lo mqondo uhlolwe komasipala eThekwini, eHibiscus Coast naseMsunduzi.

Uhlelo lukaSiyazenzela luzosiza ngokuqoqa kwemfucuza nasezindaweni zasemakhaya. Imihlomulo ehambisana nalolu hlelo lukaSiyazenzela ihlanganisa ukusimamisa izingadi zomphakathi, ukunqanda izifo nokungcola kwendawo bese kuphela nomkhuba wokuthembela ekusizweni.

Ekhulumu kulo mcimbi, uNgqongqoshe wezeMisebenzi yoMphakathi uLydia Johnson uthe: "Sisembhidlangweni wokwenza izimpilo zabantu zibe ngcono njengoba uhulumeni enza isithembiso ngo-1994."

UNGqongqoshe uCele ukhuthaze imiphakathi

yasePort Shepstone ukuba "izenzele" njengoba kusho negama lalolu hlelo. Wengeze wathi: "Loku ngukuzibophezela okuhambisana nomgomo ka-2014 wokwehlisa ubuphofu nokuntuleka kwemisebenzi ngesigamu."

UMagaye uthe: "Uhlelo lwe-EPWP luwuhlelo lukahulumeni oluqhutshwa kuzwelone oluhlose ukudala amathuba emisebenzi kabantu baseNingizimu Afrika, ngendlela ezokwenza bathole amakhono abangawasebenza ukuziphilisa."

Uhlelo lukaSiyazenzela njengamanje seluhlomulise abasebenzi ababalelw ku-200 kanti kuhkona abayisishiyagalombili abazoqapha umsebenzi abaqokwe ezindaweni ezingaphansi kweHibiscus Coast, kuhlanganisa iLouisiana, iBhobhoyi, iMasenenge noMholombe. Abasebenzi basebenza ngababili, baqoqe imfucuza ezindaweni abanikwe zona. Baqashwa ngenkontileka yonyaka okunamathuba okuthi ivuselelw ekupheleni konyaka.

IMeya kamasipala waseHibiscus Coast uNolwazi Shusha uthe umasipala wakhe ubeke imali engu-R500 000 ukuhlangabezana nohlelo lukaSiyazenzela. Lokhu kuhlanganisa ukujica abasebenzi ngamakhono okuziphilisa, ukuphathwa kwemfucuza nokuqeqesha abazoqapha umsebenzi. Ngaphezu kwalokho, kuzokhishwa amathuluzi nemifaniswano yokusebenza.

Abasebenza kulolu hlelo bazophinde bahlele kahle imfucuza bayihlukanise ngamabhodlela, amaphapha namapulastiki. Njalo emasontweni amabili, udoti uzohanjiwa lapho kwensiwa khona umsebenzi wokushintshanisa. Bazothola amaphasela okudla njengenkohelo yomsebenzi wabo.

UNDunankulu waKwaZulu-Natal uDkt S'busiso Ndebele ugcizelele ukuthi uhulumeni wakhe uzibophezeli ekusimamiseni izimpilo zabampofu okuyibona abayiningi esifundazweni sakhe.



**INhloko yoMnyango emjahweni wezimoto ikhasi 2**



**Amaqembu ebhola asejoyine uMnyango kwezokuphepha emgwaqeni ikhasi 3**



**Ayanda amathuba kosomabhizinisi bendawo abasafufusa ikhasi 6**

## Inhloko yoMnyango emjahweni wezimoto

**U**bani owathi uMnyango wezokuThutha uyaphikisana nemijaho yeziomo? Kodwa lohokuncikeekutheni umjahousemthethweni futhi uphephile njenge-A1 Grand Prix esanda kubanjelwa eSun Coast Casino muva nje.

Phela iTheku eliyinkundla yezemidlalo yaseNingizimu Afrika liphinde lasingatha umdlalo osezingeni lomhlaba obekuwumjaho wezimoto oseqophelweni eliphezulu emlandweni womdlalo wezimoto.

UMnyango wezokuThutha KwaZulu-Natal ubungomunye wabaxhasi abakhulu kulo mcimbi obudonse izivakashi eziningi zakuleli nezangaphandle nothathe izinsuku ezine.

NgoLwesine nangoMgqibelo kube nemijaho yokuviva lapho abashayeli bebenandisa bevvinya izimoto zabo bekhombisa izethameli (ebezibekzelele ilanga elishisayo) ukuthi yini ezingayilindela ngeSonto. Kodwa futhi nabo abashayeli bathole ithuba lokuzijwayeza umgwaqo namajika akhona acijile.

UMnyango nawo ubumelwe kulaba abajahayo. INhloko yoMnyango. uDkt Kwazi Mbanja ubambe iqhaza emkhakheni owaziwa nge-super cars category.

UMbanja uliphakamisile igama loMnyango ngenkathi engena endaweni yesine ngemoto yohlobo lwe-limbogine, okuyinto edinga ukushayelwa elikhulu ihlombe kwazise iNhloko yoMnyango ibiqala ngqa ukungenela lo mjaho.

Ngaphambi kokuqala komjaho, uMbanja uke wavakashela itafula loMnyango ebelibukisa ngemisebenzi yawo. Ube esengena lapho kuhlolwa khona ilayisensi



INhloko yoMnyango: UDkt. Kwazi Mbanja eshayela ilamborghini yakhe.

okwenziwuphikolwamakhameraloMnyangonjengenqubo yakhona ngaphambi kokuqala komjaho. Lapha bekusizakala nabanye nje abashayeli abebefisa ukubheka ukuthi abanawo yini amacala abangawahlulile abanokuboshelwa wona.

Lo mcimbi ube yimpumelelo enku kanti wonke amehlo

abethe njo endodeni eyodwa , uNick, weVulindlela, ogale ukungenela umjaho nyakenye wangena kwabayishumi bokuqala. Ngeshwa, imoto yakhe ishayiswe ngenye zangabe zisaqhubeka nomjaho zombili. Izwe laseGerman yiloni elidle umhlanganiso.

## Ayiconsi phansi emphakathini iRRTF ngohlelo loMnyango lokusiza abafundi



Abafundi bakhombisa ngohlelo lwezokuphepha emgwaqeni

**U**hlelo lokusiza abafundi ngezincwadi zokushayela olwaziwa ngeStudent Driver Education (SDE) lube ngelinje lamagalelo abalulekile emisebenzini eyenziwa uBuhlebamakhosi Rural Transport Forum (RRTF) eNewcastle, ngokombiko wayo esanda kuwenza muva nje.

IthimbaleGalelo like lavakashela loluhlaka olwasungulwa ngo-1996 ngenkathi uMnyango usungula lezi zinhlaka esifundazweni sonke. Lapha amalungu oBuhlebamakhosi abethula umbiko emphakathini wawo mayelana nomsebenzi

osuwenziwe.

Kulo nyaka, a b a f u n d i a b a y i s i t h u p h a b a s e z i k o l e n i z a m a b a n g a a p h a k e m e i T h e m b a l e n t s h a n a s e T h a t h u n y a w o y i b o n a a b a q o k e l w e u k u b a y i n g x e n y e y a l o l u h l e l o .

Ekwethulweni kombiko, abafundi baseThathunyawo b a k h o m b i s e n g e m i d w e b o n e z i t h o m b e zemigwaqo nezikole e z i n e z i m p a w u z o m g w a q o e z i k h o m b i s a u k u t h i y i l u p h i u h l a n g o t h i l w a b a h a m b a n g e z i n y a w o . Le midwebo ikhombisa

nokuthi kumele ime kanjani imigwaqo enokwakhwa esikhathini esizayo.

Uhlelo lweSDE lubuye lusize nabafundi ngokwakha izindawo zokuwela umgwaqo ezikoleni zamabanga aphansi ezigudle umgwaqo omkhulu, njengeZiko, Osizweni, Sipumelele neQapheleni.

Induna yendawo, uMnuz Thamsanqa Zondo uthe: "Ngiwubonga kakhulu uMnyango ngomsebenzi omuhle osuwenzile emphakathini wakithi".

UZondo ubuye wengeza ngokuthi kumele kwaziwe

ukuthi uMnyango ngeke usebenze uwodwa kodwa udinga ubambiswano emphakathini.

Umbiko ubuye waveza nomsebenzi omuhle osuwenziwe yisikhungo soMnyango sezobuchwephehe iTechnology Transfer Centre ngezinhlelo zesayensi ezikoleni. Kuvakashelwa izikole ezine zamabanga aphakeme njalo ngonyaka kugqugquzelwe abafundi ukuba bathathe izifundo zeMathematics neScience.

Lokhu kubalungiselela ukuba bangene emkhakheni we-civil engineering ukwakhiwa kwamabhulohu nemigwaqo okuncike kuwona. Kunabafundi abanangi basezikhungweni zemfundo ephakeme abahlomulayo kulolu hlelo.


Inhlosi yokwethula umbiko emphakathini akukona ukwazisa umphakathi ngemisebenzi yangonyaka wezimali kuhela, kodwa kuphinde kugqugquzelwe ukuxhumana phakathi kwabo bonke ababambe iqhaza, kuqhakambiswa ukwakhiwa kwamathuba emisebenzi emphakathini.

UBuhlebamakhosi bukwazile ukuphothula imisebenzi eminingi ngonyaka wezimali ka-2006/7 okuyiMnyamande, ibhulohu eNcando, ibhulohu eDoornkop, umgwaqo uP211 nebhulohu lokuwela ngezinyawo okungelokujala endaweni ngesamba semali ebalelwu ku-R2,1 million. Kunemisebenzi eminingi edalekile emphakathini lapha.

UMnyango wezokuThutha awugxili nje ekwakhiwiemigwaqo kuhela lapha, kodwa kuhona nezinhlelo zokulwa nobugebengu ozenzayo. Izinhlelo zokulwa nobugebengu zensiwa khona ezikoleni. Intsha ikhuthazwa ukuba iziqhelelanise nezenzisobugebengu izibandakanye nemidlalo ngemuva kjesikhathisi.

Ilungu lomphakathi, uPretty Madonsela uthe: "Ngijabula kakhulu ngalo mbiko ngoba uyasicacisela ukuthi yini eyenzekayo emphakathini wethu ikakhulukazi njengoba sidinga usizo ezindaweni zasemakhaya. Kukhombisa kona ukuthi ngempela uMnyango wezokuThutha uhambisana nomgomu weBatho Pele ngokuphucula izimpilo zethu singumphakathi futhi usenze sihlale sizolwazi."

# Sizoqina isandla somthetho ngamaholide



**U**Ngqongqoshe wezokuThutha, ukuPhepha nokuXhumanisa uMphakathi KwaZulu-Natal uMnuz Bheki Cele usexwayise abashayeli nabahamba ngezinyawo ukuthi sizoqina kakhulu isandla kwabephula imithetho yomgwaqo ngamaholide ePhasika.

UCele ubekhuluma emcimbini wokwethulwa kohlelo loMnyango lwezokuphepha emgwaqeni ngesikhathi sePhasika, eThekwini muva nje.

Uthe zonke izinhlaka zokugcinwa komthetho zizosebenza ngokuhlanganyela ukuqinisekisa ukuthi kusethenziswa umgomgo ka-100% COMPLIANCE kulabo abasebenzisa

umgwaqo ukuze kugwemeke izingozi.

"Izingozizomgwaqoezinyisayozenzekamihlanamalanga. Sesibonile ukuthi uma engabonakali amaphoyisa omgwaqo, abantu bayazenzela nje bese kwanda izingozi. Yingakho nje sesiqalise ngomkhankaso wokwandisa amaphoyisa nezimoto ezihlolayo emizileni ematasa neyaziwa ngokuba nezingozi kakhulu.

"Amacala omgwaqo azobhekwa kakhulu kuzokuba ngawabahamba ngezinyawo, abashayela ngejubane eleqile, abaphuza ngokweqile nezimoto ezingekho esimweni sokuba semgwaqeni. Nokho, lokhu akusho ukuthi amacala afana nokusika lapho kungafanele; ukungahlonihi uphawu lokuma namanye amacala asezoyekwa wona," kusho uCele.

Uqhube wathi zonke izinhlaka zomthetho zizoqinisekisa ukuphepha kwabahamba ngezinyawo. Uthe: "Abahamba ngezinyawo bayisibalo esikhulu kabi ezingozini zomgwaqo kuleli lizwe. Cishe amaphesenti angama-40 ezingozi ezibulala abantu emigwaqeni zisuke zithintene nomuntu ohamba ngezinyawo.

"Iningi lalaba bantu baphakathi kweminyaka engama-20 nengama-40 ubudala, kanti bangabantu abasuke besakwazi ukubamba iqhaza emnothweni waseNingizimu Afrika".

Ngalesi sikhathi sePhasika, amahhovisi amaphoyisa omgwaqo eMgungundlovu, ePark Rynie, eMnambithi naseMpangeni azonikeza abashayeli ithuba lokuhola isimo sezimoto zabo ngaphambi kokuphuma amabanga amade beya emaholidini.

Amaphoyisa azophinde ankanise emizileni esetshenziswa kakhulu izithuthi zomphakathi ezihambisa abasebenzi emakhaya ezindaweni ezisenyakatho yeKwaZulu-Natal naseMpumalanga Kapa. Amabhasi namatekisi azobe emiswa kuhlolwe umshayeli nemoto yakhe ukuthi basesimweni yini. Lo mkhankaso uzokweniya wuphiko IwePublic Transport Enforcement Unit (PTEU) olwaziwa ngoShanelia noluzobuye lubheke nokulayishwa kwabagibeli ngokweqile.

UCele unxuse umphakathi ukuba usebenzise inombolo yokubika izigameko emgwaqeni eyaziwa ngeMpimpa ethi 086 221 1010 ukuze baqinisekise ukuphepha emgwaqeni.

## Ezokuphepha emgwaqeni sezesekwa amaqembu ebhola



UMnuz Bheki Cele neNhloko yoMnyango uDkt Kwazi Mbanjwa bamukelisa izipho

**N**jengoba uNgqongqoshe wezokuThutha, ukuPhepha nokuXhumanisa uMphakathi KwaZulu-Natal uMnuz Bheki Cele ehlale egcizelela ukuthi ezokuphepha emgwaqeni ziwumthwalo wethu sonke,

manje amaqembu ebola lezinyawo adlala kwiPremier League asehlengene noMnyango ekusabalaliseni umiyalezo wokuphepha emgwaqeni kulesi fundazwe.

IKaizer Chiefs, enabalandeli abanangi KwaZulu-Natal, iyona eqhamuke nalo mqondo, uMnyango

wase uwudlulisela kuwo wonke amaqembu adlala esigabeni esiphezulu kulesi fundazwe ukuba kuqhutshwe umkhankaso ngokuhlanganyela.

Muva nje, Amakhosi ahlanguyele nozakwabo kwiPremier Soccer League (PSL) okungamaZulu, iLamontville Golden Arrows

nePietermaritzburg United, lapho bekunikezwa ngamapheshana anolwazi olugqugquzelu abashayeli nabahamba ngezinyawo ukuba bahloniphe imithetho yomgwaqo.

"Iningi labalandeli bebhola lezinyawo basebenzisa imigwaqo yethu masonto wonke uma beya ezinkundleni. Uma bonke labo balandeli bengathatha imiyalezo yezokuphepha bayiyise emindenini yabo, ngicabanga ukuthi kungasinda izimpilo zabantu abanangi," kusho uCele.

Lokhu akukona okokuqala uMnyango wenza umkhankaso ngokubambisana kwalolu hlobo. Osaziwayo babaculi abanjengoMandoza, iLadySmith Black Mambazo, Lebo Mathosa benoJabu Khanyile abangasekho nabanye, sebeke baba ngamanusa ezokuphepha emgwaqeni KwaZulu-Natal. Abaholi bezenkolo namabandla abo nabo babambe elikhulu iqhaza kule mikhankaso.

Lo mkhankaso wokuphepha emgwaqeni ohlanganyele nabebhola lezinyawo ufika ngesikhathi isifundazwe sihlelela isikhathi esimatasa lapho izivakashi zithuthelaka ngobuningi bazo KwaZulu-Natal zizochitha amaholidi ePhasika.

UCele uthe: "Njengoba ngesikhathi samaholidi kaDecember/January kubo nokwehla kwasibalo sezingozi zomgwaqo, kunamathebma amakhulu okuthi umkhankaso wamaqembu ebola oholwa ngamaqembu adumile uzolekelela kakhulu ekugcineni

isibalo siphansi futhi ube negalelo ekuwashiseni abashayeli nabahamba ngezinyawo ngokuphepha emgwaqeni.

Wengeze wathi: "Isibalo sabahamba ngezinyawo abashone emgwaqeni senyukile sisuka ku-147 ngo-2005/6 saysa ku-157 ngo-2006/7. Lapha sikhulumangomkhakha wabantu abayiningi kulesi fundazwe - iningi labo okungabathandi bebhola. Kungaba lula ukuba bamukele imiyalezo yokuphepha emgwaqeni uma yethulwa yizihlabani zebhola abazithandayo."

Ngenxa yokwenyuka kwesibalo sabahamba ngezinyawo abashona emgwaqeni, uCele umemezele unyaka ka-2007 njengonyaka wabantu ngezinyawo, wathi uMnyango wakhe uzoqinisa ukufundisa ngezokuphepha emgwaqeni ikakhulukazi ezindaweni zasemakhaya.

UNgqongqoshe uthe: "Sidinga ukufundisa abantu emazingeni aphansi ukuze baqonde kahle imithetho yomgwaqo. Kukhona abantu abangazi kuyicala ukuhamba ngezinyawo emgwaqeni onguthelawayeka nokuthi kuyicala ukuhamba emgwaqeni udakiwe."

Izingozi zomgwaqo nokufa kwabantu kuyaqhubeke nokulimaza umnotho wethu njengoba kudla imali engu-R43 billion ngonyaka. Ngokwezibalo, izingozi zomgwaqo zingezesibili ohlwini lezimbangela zokufa emhlaben kubantu abaphakathi kweminyaka engu-30 no-44 ubudala, iningi labo obekungaba ngabalandeli bemidlalo othile.

## Isititiliza amathuba okuqequesha intsha ngokwakhiwa komgwaqo KwaVulindlela

**C**ishe bayishumi abafundi basema-technikon asebethole ukuqequesha kusukela kuqale umsebenzi wokwakha umgwaqo ongu-Main Road 399 KwaVulindlela eMgungundlovu ozokudla isamba sika R104 million.

La bafundi asebephothule izifundo zabo ze-S3 abawuvali umlomo ngolwazi asebelutholile besizwa uMnyango wezokuThutha KwaZulu-Natal. UNtokozoGwala waselokishini laseMbali oqede i-S3 eDurban University of Technology uthi usethole ulwazi olubaluleke kabi kulo msebenzi wokwakhiwa komgwaqo KwaVulindlela. "Sibonga kakhulu eMnyangweni ngaleli thuba osinike lona. Ngalolu lwazi sesizokwazi, njengabantu ababencishwe amathuba phambilini, ukuthi sibe negalelo elibonakalayo embonini yezokwakha," kusho uGwala.

Ukwakhiwa kuka-Main Road 399 osuka eSweetwaters uya eTaylors Halt ngaphandle nje kwaseMgungundlovu, kuyingxene yohlelo loMnyango wezokuThutha KwaZulu-Natal olwaziwa nge-African Renaissance Roads Upgrading Programme ARRUP). Kulindeleke ukuthi lo mgwaqo ongamakhilomitha angu-12,8 udle isamba esingu R104 million. Umsebenzi uqale ngo-April ka-2003 kanti kulindeleke ukuthi uphouthulwe ngoMarch ka-2008.



Ekupheleni konyaka wezimali ka-2005/06, bese kwakhiwe amakhilomitha angu-3,9 ngesamba sika R51,740 million kanti imisebenzi yosuku etholwa ngabantu ibalelwu ku-21 720 bese beba ngu-251 abantu abathole imisebenzi. Bangu-27 osonkontileka bakaVukuzakhe abathole imisebenzi emalini ebalelwu ku R22 million. Kukhona nabafundi base-technikon abahlomule ngamathuba okuqequesha ngalesi sikhathi.

Kusukela ngomhlaka 1 April kuya ku-30 November 2006, kusetshenziswe imali engapezulu kuka-R12 million emsebenzini wokwakha kanti kunemisebenzi yosuku engu-

7 kanye nezinhlelo zokwakhiwa kwedamu lomphakathi KwaMpande.

Umgwaqo uP 399 ungamamitha angu-8,5 ububanzi, unemizila emibili enetyela, unqamula endaweni yasemakhaya kodwa esithanda ukuba sadolobha ngase-Edendale. Uma uhamba ngomgaqo kukhona izakhiwo zomphakathi njengemitholampilo, amahholo omphakathi, izikole, amadlelo emfuyo, izivande nezitolo eziphakela ngempahla. Kukhona nehlathi elenganyelwe uMnyango wezaManzi namaHlathi.

## Sebeqalile ukuvuna izithelo zomgwaqo eNdwedwe



Izakhamizi zaseNdwedwe ziqashwe njengabasebenzi ekwakhiweni komgwaqo uMain Road 100.

**N**akuba ukwakhiwa komgwaqo uMain Road 100 eNdwedwe kulindeleke ukuthi k u p h o t h u l w e ngoMarch 2010, izakhamuzi zakule ndawo seziqalile ukubona umehluko ezimpilweni.

UMnyango wezokuThutha KwaZulu-Natal ngohlelo lwalo lwe-African Renaissance Roads Upgrading Programme (ARRUP), usushintshe izimpilo zabantu

abaningi eNdwedwe wazenza zaba ngcono. Kuyacaca ukuthi kusazokwenzeka izimanga ngokushintsha kwezinye izimpilo uma sekuqedive ukwakhiwa kwalo mgwaqo.

Ibalelwu ku-R217 million imali ezosetshenziswa ekulungisweni kuka-Main Road 100, ongamakhilomitha angu-31,09 ubude. Umsebenzi wokwakha uqale ngo-2003 njengoba kulindeleke ukuthi uphele ngoMarch 2010.

Ngokuphela konyaka wezimali ka-2005/06 bese kwakhiwe amakhilomitha angu-10,34 ngesamba semali engu-R73,61 million kwathi imisebenzi etholwa nsuku zonke yaba ngu-9 620 kubantu abangu-147 abaqashiwe.

Ibalelwu ku-R217 million imali ezosetshenziswa ekulungisweni kuka-Main Road 100, ongamakhilomitha angu-31,09 ubude. Umsebenzi wokwakha uqale ngo-2003 njengoba kulindeleke ukuthi uphele ngoMarch 2010.

Kusukela ngomhlaka 1

kuya ku-30 November 2006, ingapezulu kuka-R21 million imali esetshenziswe ngokwakha kwathi imisebenzi etholakala nsuku zonke yaba ngu-9 620 kubantu abangu-147 abaqashiwe.

Isitolo sendawo iThandokuhle siphakele ngempahla yokwakha efinelela ku-R185 000. Abafundi besifazane abane ababencishwe amathuba phambilini, abenze izifundo ze-S3, S4 ne-Bachelor of Science Degree, nabo bathole

045 etholwe ngabantu abangu-119.

Ugandaganda nenqola yeNduna yaKwaMkhize KwaNxamalala kuqashwe ngemali efinelela ku-R17 400. Abafundi abaqhamuka ezindaweni ezazincishwe amathuba phambilini asebephothule izifundo zabo kwi-S3 nabo bathole ukuqequesha ngalesi sikhathi.

Kubekhona nohlelo lokugqquqzelu isayensi ezikoleni olwaziwa nge-Science in School Project olwaziwe ezikoleni KwaMpande naKwaPata.

Kwakhiwe nenkundla yezemidlalo ngesamba sika-50 000 KwaMpande High School. Kukhona nezinhlelo zokwakha isakhiwo esizosiza ngezidingo kanye nezinhlelo zokwakhiwa kwedamu lomphakathi KwaMpande.

Umgwaqo uP 399 ungamamitha angu-8,5 ububanzi, unemizila emibili enetyela, unqamula endaweni yasemakhaya kodwa esithanda ukuba sadolobha ngase-Edendale. Uma uhamba ngomgaqo kukhona izakhiwo zomphakathi njengemitholampilo, amahholo omphakathi, izikole, amadlelo emfuyo, izivande nezitolo eziphakela ngempahla. Kukhona nehlathi elenganyelwe uMnyango wezaManzi namaHlathi.

ukuqequesha lapha.

Kulungiswe kabusha indawo yokufundela isayensi eLihlithembba High School kanti kulo nyaka ka-2007 kuzolungiswa igumbi lessayensi eNombika High School.

Sekwakhiwe inkundla yezemidlalo eMzokhanyayo Primary School. Sekulungiswe inkulisa iHlalanathi Creche ngemali ebalelwu ku-R50 000. Kwensiwe izinhlelo zokwandiswa kwemiboshongo yakwaVodacom eNdwedwe kulandela ukukhala komphakathi ngokungadonsi komakhalekhukhwini.

Abafundi ababili baka-Grade 12 abaphase kahle iMaths neScience kwa-Grade 11, bathole uxhaso lomfaniswano nemali yokufunda. Abafundi abathathu abafunda eMangosuthu Technikon bathole imifundaze efinelela ku-R36 900. Izinsiza kufunda zeMaths neScience zenani lika-R20 000 zixhase eLihlithembba High School.

Abantu abangu-57 bathole ukuqequesha ekusethenzisweni kwempahla, ukwakhiwa kwe-gabion nokwakhiwa kukakhonkolo.

Osomabhizinisi bendawo abaphakela ngempahla sebethembise ukunikela ngo-R40 000 entuthukweni yomphakathi.

Umgwaqo u-Main Road 100 ungamamitha angu-6,5 ububanzi, unemizila emibili yetiyela, uguduza ezintabeni ubuye ube nezindawo ezinika ithuba lokudlula kwabasheshayo ngenxa yesibalo sezimoto ezinkulu eziwusebenzisayo. Lo mgwaqo uzokuba nomthelela ekugqquqzelu intuthuko ngenxa yokuba seduze naseNanda, Ntuzuma naKwaMashu. Kuzokubanamathuba entuthukonasmekhakheniwezolimo ezindaweni ezakhele lo mgwaqo.

# Sebebheke unyaka ka-2010 ngomgwaqo ka-R520 Million Olundi



**U**Mnyango wezokuThutha KwaZulu-Natal usuhambe indima ebonakalayo nokwakhiwa komgwaqo u-Main Road 700 oxhumanisa Ulundi, iMpangeni neRichards Bay. Izinkampani ezimbili iBhongo Consulting neStewart Scott International (SSI) zisebenza ngokuhlanganyela ekuhleleni umgwaqo nokubheka umsebenzi wokwakha ukuthi uhamba ngendlela.

Ukwakhiwa kwesigaba sokuqala, esingamakhilomitha angu-35 ubude okuhlanganisa Ulundi nesiwi saseHluhluwe-Umfolozi, kuqalwe ngo-April 2003 kwaphothulwa ngonyaka odlule u-2006.

Isigaba sesibili sizohamba amakhilomitha angu-54 kuya eMpangeni kanti kulindeleke ukuthi kupophothulwe ngoMarch 2010. Usuwonke umsebenzi kulindeleke ukuthi udle isamba sika-R520 million. Lo msebenzi uyingxene yohlelo lokuxhumanisa amadolobha amane KwaZulu-Natal ngomgwaqo okuyiTheku, uMgungundlovu, iMpangeni/Richards Bay noLundi.

Umsebenzi wokwakha unikezwe izinkampani zosonkontileka bakaVukuzakhe ngokubambisana nezinkampani ezinkulu. Esigabeni sesibili, osonkontileka sebephezu komsebenzi wokumba umgwaqo nokwakhiwa kwamabhriji amathathu namapayipi ahamba ngaphansi amabili.

Uhlelo Iwe-African Renaissance Roads Upgrading Programme (ARRUP)lwakha amathuba kosonkontileka abasafufusa ukuba bangene esigabeni esikhulu sokwakha imigwaqo. Lokhu kwenzeka ngokuhlanganisa osonkontileka abasafufusa kanye nezinkampani ezisimeme, lokho okuletha amathuba okuthuthukisa amakhono nokusimama kosonkontileka abasafufusa. Kubuye kube nokuhlanganisa kwezinkampani zochwepheshe ezisafufusa nalezo ezisimeme ukuze kuqinisekiswe ukuthi zicobelelana ngolwazi. Kudingeka kusheshiswe ukuthuthukiswa kosonkontileka ababencishwe amathuba phambilini, nabo bafike ezingeni lokuquhadelana nezikondlakhondla zonjiniyela emsebenzini.

Kuphinde kwabhekisiswa nezinye izindlela zokuhamba ngaphandle kwalo mgwaqo nokuyilapho uMnyango wezokuThutha ukhethe ukuletha umgwaqo kubantu okuhambisana nokuletha intuthuko emphakathini wasemakhaya obunganakiwe.

Ekwakhiweni kwalo mgwaqo kuzofakwa ama-culvert kakhonkolo angu-23 namabhriji angu-17. Lokhu kuzofinyeza ibanga phakathi koLundi neMpangeni ngamakhilomitha angu-27.

Okwenza lolu hlelo Iwehluke kweminye imisebenzi yokwakhiwa kwemigwaqo yinani elikhulu lomsebenzi obandakanya osonkontileka abasafufusa. Esikhundleni sokuba nosonkontileka abakhulu abambalwa ukube baqede umsebenzi ngokushesha, umsebenzi uhlukaniswe izigatshana ukube kuhlomule osonkontileka ababalelwu ku-64 ngonyaka wezimali.

Labo sonkontileka abasafufusa banikezwe umsebenzi ngokwamaqembu noma izigaba ezine, kuya ngokolwazi asebenalo. Kubalulekile ukufundisa, ukuqequesha nokubhekela inqubekela phambilini yosonkontileka abasafufusa ukube bafike ezingeni elibavumela ukuthi bakwazi ukuzimela.

Kusukela uqaliwe lo msebenzi, uMnyango wezokuThutha KwaZulu-Natal usuveze amathuba angapezulu kokuba kwakhiwe umgwaqo nje. Inhlosa lapha ngukuthuthukisa nokusabalalisa amakhono, kanjalo nokufukula umphakathni ohlala eduze kwalo mzila ngokuthi kwensiwe izinto ezizosimamisa intuthuko kulesi funda.

Lo mgwaqo omusha uzosiza ezokuvakasho kulesi funda ngokwenza izindlela ezelula zokufinyeleta eHluhluwe-Umfolozi Park ngasentshonalanga nasenya katho ntshonalanga. Ezinye izindawo zokuhela izivakashi isoNdini Cultural Museum ngaphandle kwasoLundi, lapho kubonakala khona ingxenyi yesigodlo seNkosi uCetshwayo. Nendawo yaseMakhosini ayigcini nje ngokuba nomlando kodwa idonsa iningi lezivakashi kule ndawo.

Ezolimo nazo azisosala ngaphandle ekuhlomulen kulo mgwaqo. Kukhona nohlelo lokubheka amathuba ezitshalo njenge-Jatropa ezokhiqiza udizili. Kubhekwa namathuba okutshalwa kwerayisi nezinye izinhlobo zokudla.

**Osekwenziwe esigabeni sokuqala: 35 wamakhilomitha kusuka ngo-2003 kuya ku-2006**

NO	INCAZELO YOMSEBENZI	ISIBALO ESIYISO
1	INDLELA YOKUHLELA	
	Ukusethenzwa komgwaqo kusuka ekuqaleni kuya ku-35 km	34,8 km
	Ukuhlelwa kwamabhriji	5
	Ama-Culvert	7
2	UKUPHOTHULWA KOKWAKHA:	
	Ukusethenzwa komgwaqo	34,8 km
	Izinsika	12
3	UHLELO LOKUFUKULA	
	Imisebenzi eyabelwe u-Stage 1a kaVukuzakhe	8
	Imisebenzi eyabelwe u-Stage 1b kaVukuzakhe	48
	Imisebenzi eyabelwe u-Stage 2 kaVukuzakhe	38
	Imisebenzi eyabelwe u-Stage 3 kaVukuzakhe	12
	Imisebenzi eyabelwe u-Stage 4 kaVukuzakhe	26
	INANI LEMISEBENZI EKHISHIWE	132
	Inani lemisebenzi edalekile	1005
	Imisebenzi eyenziwe nsuku zonke	92000

Izindleko zesigaba sokuqala sezizonke zibe ngu-R155 339 752.

## Walala wasala! Badla kahle osomabhizinisi abancane eMnyangweni



UBongumusa Buthelezi uthathwe esemsebenzini lapho akha khona izitini KwaVulindlela ngaphandle nje kwaseMgungundlovu.

## Kwakhiwa umgwaqo ozokwenza lula ukufunda eMsinga

**U**syaqala umsebenzi wokwakhiwa komgwaqo omusha ozokwenza kube lula ukuya esikoleni emphakathini waseMsinga. Lokhu kulandela ukuphendulwa kwestoyi okusanda kwenziwa uMnyango wezokuThutha KwaZulu-Natal ngokubambisana nowezeMfundu esifundazweni wona ozokwakha isikole khona endaweni yaKwaNxamalala.

Lo mcimbi ubuhanjelwe ngoNgqongqoshe besifundazwe ovezokuThutha, ukuPhepha nokuXhumanisa uMphakathi uMnuz Bheki Cele nowezeMfundu uNkk Inna Cronje, usihlalo wekomiti lezokuThutha ephalamende uMnuz Omie Singh, iMeya uMnuz Joshua Skhakhane, abaholi bendabuko, amalungu eRural Road Transport Forum kanye namalungu omphakathi abetheleke ngobuningi bawo.

UNggongqoshe wezokuThutha obebonakala nje ukuthi ujabule, uthe kuyanomeka ukuthi

uMnyango wakhe ukwazile ukunika lo mphakathi umgwaqo ongu-9.5 wamakhilomitha okokuqala ngqa selokhu kwaqala intando yeningi.

Lo mgwaqo ozokudla isamba sika-R5.5 million kulindeleke ukuthi udale amathuba emisebenzi kubantu baseMsinga kuhela ngaphandle kwaleyo misesbenzi edinga amakhono mhlambane angekho khona endaweni. Lo mgwaqo ongenalo nokho igama nokukholakala ukuthi uzophothulwa ngoSeptember, uzox huma emgwaqeni owodwa oya eDundee naseGreytown.

"Ngizoqinisekisa ukuthi umphakathi waKwaNxamalala uyahlomula kulo msebenzi hhayi nje ngokuthola umgwaqo kuhela kodwa nangokuthi abantu baseMsinga kube yibona abaqashwayo," kwengeza uCele.

Ngaphezelu kwalo mgwaqo, uCele uveze nokuthi uMnyango wakhe usembhidlangweni wokwakha omunye umgwaqo Inyonini, ozokudla imali engu-R3 million, nawo ozophothulwa ngoSeptember. Lo msebenzi uzonika imisebenzi omama abayishumi abazosebenza ngaphansi kohlelo lokulungisa imigwaqo uZibambele.

Ephendula mayelana nesikhelo sokunganeli kwamaphoyisa endaweni, uMagaye uthe amaphoyisa angu-17 aphuma ekolishi kanye namaveni amathathu azofakwa kule ndawo ukuqinisa ezokuphepha

nokuvikeleka komphakathi. La mapheyisa kanye neziteshi ezingomahambanendlwana zizofakwa endaweni yaKwaNxamalala maduze nje.

"Manje uma umuntu eya esiteshini samaphoyisa usezohamba kalula ngenxa yalo mgwaqo. Uma ungalutholi usizo ngesizathu esithile njengokuthi iphoyisa selilungisela ukuya ekhaya, ngicela nikubike lokho ehhovisi lami ukuze ngibhekane ngqo nalawo mapheyisa. Phela amaphoyisa ayizisebenzi zomphakathi okumele ahambisane nenqubo yeBatho Pele ebeka abantu phambili, ngenkathi ngithatha njengoNgqongqoshe ngazibophezela ukuvikela ababuthaka futhi namanje angigudluki lapho," kusho uCele.

Umphakathi waKwaNxamalala obuhalisa ngomsebenzi kaCele wokuzibophezela ekuphuculeni izimpilo zawo, uthe ngempela sekuzokuba yinto yayizolo ukungakwazi ukuhamba ngenxa yokweswela umgwaqo, wathi futhi usuzohamba ngokuphepha endaweni.

Ilungu lomphakathi uMnuz Dennis Madondo (75) osehlale kule ndawo cishe impilo yakhe yonke uthe: "Lo mgwaqo uzosisiza ukuba sihambe kahle siye edolobheni ngaphandle usaba isimo sezulu. Sesizokwazi ukuthola i-ambulensi uma sigula, hhayi le ndaba yakudala yokuthwala abantu abagulayo ngoohlaka. Sibonga kakhulu eMnyangweni wezokuThutha.

## 'Prosperity Through Mobility'

**K**unabantu abanangi a b a l a h e k e l w a ngamathubaalethwa n g u h u l u m e n i ngoba bengafuni ukuhambisana nemithetho yezwe, kusho omunye usomabhizinisi waseMgungundlovu osethole imali engaphezelu kuka-R200 000 eMnyangweni wezokuThutha KwaZulu-Natal ngokuphakela ngempahla yokwakha.

Kusukela ngoMay ngonyaka odlule, uMnuz Bongumusa Buthelezi waKwaVulindlela ngaphandle nje kwaseMgungundlovu uphakela ngempahla yokwakha umgwaqo uMain Road 399 okule ndawo. Ungumnikazi weMafakatinini Building Supplies kanti uphakela osonkontileka baka-Stage 1 no-Stage 2 ngezitini, ama-kerb, isihlabathi namatshe.

UShenge uthe: "Izinto ziqale ngenkathi iProject Liaison Committee (PLC) yalo mgwaqo imemezela ukuthi osomabhizinisi bendawo kumele babhalise ukuze baphakele ngempahla. Ngibe sengithinta abanye ozakwethu kodwa bayihlabo eyokubhalisa, bathi uhlumeni ufuna ukubaphoqa ukuthi bakhokhe intel."

"Ngifuna ukusho ukuthi lowo mqondo uyimfundisoze nje. Uhulumeni wethu wentandoyeningi akawazi ukusiphua amathuba kwezomnotho. Esikhundleni salokho, ukubhalisa ibhizinisi lakho kuvula amathuba amanangi okuthola imisebenzi. UMnyango wezokuThutha kulesi sifundazwe usungifundise okuningi," kuncoma uButhelezi oyinDnuna yendawo nelungu le-PLC.

Uqhube wathi: "abantu abathandi ukuhlela amabhizinisi ngokusemthethweni ngoba bafuna ukubalekela ukukhokha intel."

## UMnyango ukhathazekile ngokufa kwabahamba ngezinyawo

**U**kukhula kwesibalo sabahamba ngezinyawo abashona emigwaqeni ngesikhathi samaholidi sekwenze uMnyango waqoka lo nyaka ka-2007 waba 'Unyaka wabahamba ngezinyawo'. Ukufa kwabahamba ngezinyawo kula maholidi adlule yikona kuphela okwenyukile, nokube nomthelela ekukhuleni kwezibalo zokufa kwabantu jikelele. Ukufa kwabahamba ngezinyawo kwenyuke kwasuka ku-147 ngo-2005/6 kwaya ku-157 ngo-2006/7 okwenze isibalo sabashone ezingozini sebebonke saya ku-293 ngamaholidi.

INhloko yoMnyango wezokuThutha uDkt Kwazi Mbanjwa uthi ukwenyuka kwesibalo sabahamba ngezinyawo abashona emigwaqeni senziwa ukungafundiseki kahle ngokusetshenziswa komgwaqo nokungazi ngezimpawu zomgwaqo.

UDktMbanjwauphindewagcizelela ukuthi kuyadabukisa ukuthi abantu

Lokhu kwenza balahlekelwe ngamathuba kuhulumeni. Abazi ukuthi uma ubhalisa njengomkhokhi wentela, awukhokhi nje intela kuphela kodwa nave uyawakhokhisa iVAT amakhasimende ukuze ukwazi ukubuyiselwa yona. Nakuba sengibe ngusomatekisi isikhashana, impilo yami isiqale ukushintsha manje. Ngiwubonga kakhulu uMnyango ngalokhu."

UButhelezi uqashe abantu bendawo abayishumi nanhlanu, iningi labo okungabesifazane. Uthi abasebenzi besimame sebekhombisile ukuthi bayakwazi ukusebenza emikhakheni ebiyaziwa njengetabesilisa phambilini njengakhona embonini yezokwakha.

Umgwaqo uMain Road 399 ungumgaqo wetiyela onqamula e z i n d a w e n i e z i n a b a n t u a b a n i g i e n h l a n e - E d e n d a l e e z i s e m a k h a y a k o d w a a s e t h a n d a u k u b a s a d o l o b h a .

Uma unqamula ngalo mgwaqo udlula izakhiwo zomphakathi njengemitholampilo, amahholo omphakathi, izikole, amadlelo emfuyo nezivande. Kukhona nehlathi elenganyelwe uMnyango wezaManzi namaHlathi.

Kulindeleke ukuthi ukwakhiwa kwalo mgwaqo kuphuthulwe ngoMarch 2008 kanti ingu-R104 million imali ebekelwe wona.

UButhelezi ungesinye isibonelo sokuthi bahlomula kanjani abantu emazingeni aphansi ngokwakhiwa kwemigwaqo. Abafundi basezikhungweni zemfundo ephakeme nabo bathola ukuqeleshwa kule misebenzi. Kuphinde kwakhiwe nezakhiwo zomphakathi njengetabesilisa phambilini njengakhona embonini yezokwakha.

abanningi abaqhamuka ezindaweni zasemakhaya abanalo ulwazi kahle ngokusebenza kwamarobothi nezimpawu lapho kunqamula khona abahamba ngezinyawo, okudala inkinga uma sebefika emadolobheni.

Yingakho uNgqongqoshe uBheki Cele esenxuse uMnyango wakhe ukuthi ugxile ezindaweni ezisemakhaya kufundiswe abantu ngemithetho yomgwaqo.

Okune okunomthelela ezingozini ezinhinta abahamba ngezinyawo kuba yizinkomo eziphezela emigwaqeni, abantu abaqqoka izingubo ezingagqamile ebusuku nabahamba emgwaqeni bedakiwe. Mayelana nezinkomo emgwaqeni onguthelawayeka uCele uthe: "Sizogcina ngokuzidubula manje lezi zinkomo uma ziqhubeaka nokuba yinkinga emigwaqeni yethu."

Abantu abangu-186 abahamba ngezinyawo baboshelwe ukuhamba kuthelawayeka ngamaholidi. UNggongqoshe uCele ugcizelele ukuthi awukho umusa ozokhonjiswa kwizephulamthetho wathi zizobhekana nengalo yomthetho. UMagaye uthe: "Akubona abahamba ngezinyawo kuphela abalimalayo kodwa nabaphakathi ezimotweni bayalimala kanti nezimoto zabo zithola umonakalo omkhulu."

UMnyango uyathemba ukuthi uma kufundiswe kahle izakhamizi zakithi kuzoncipta ukufa kwabantu abahamba ngezinyawo emigwaqeni ngamaholidi ezayo.

**UMnyango  
usunikele  
ngamanye  
amabhayisekili  
esikoleni  
sasemakhaya**

**U**hlelo loMnyango we zoku Thutha KwaZulu-Natal uShova Kalula oluqalwe ngonyaka ka-2002 luya ngokuya lusabalala ezikoleni eziningi. Muva nje uMnyango unikele ngamabhayisekili ayishumi eMnyamana Primary School.

Izikhulu zoMnyango wezokuThutha nowezeMfundu bezihambele umcimbi lapho isikole saseBulwer, indawo yasemakhaya engaphansi kwesekhethi yasePholela esifundeni iSisonke, sithole ithuba lokuhlomula ngohlelo loMnyango lokusiza abafundi basemakhaya ngezinto zokuhamba uma beya esikoleni.

Lolu hlelo luzolekelewa nangezithangami zokufundisa ngezokuphepha emgwaqeni ukuze kugqugquzelwe abafundi abagibela amabhayisekili ukuba bahambe ngokuqaphela emgwaqeni.

Kuzokuba nokuhlomula kulolu hlelo okuhlanganisa ukuthuthuka komnotho ngokusungulwa kwezitolo zezinto zokukhanda amabhayisekili endaweni.

Ephawula ngalolu hlelo, oyisikhulu ophikweni lwezokuthuthwa komphakathi, uMalusi Mnomiya uthe: Ukukhishwa kwala mabhayisekili kulandela ingqungquethela kazwelonek yezinto zokuhamba ezingasebenzini injini esanda kuba seSandton eGoli.

UMnomiya uthe: "Le ngqungquethelaivezekuthikunesidingo esikhulu sokuba kusizwe izingane zasemakhaya ezihamba ngezinyawo amabanga amade ziya noma zibuya esikoleni ngenxa yokuswela izinto zokuhamba. Enye inhoso yalolu hlelo ngukulwa nobuphofu ezindaweni zasemakhaya."

Uqhubele: "Lokhukuseyisipalo, kusenezinye izinhlelo esisasebenzela phezu kwazo ngoba sekucacile ukuthi kunesidingo esikhulu samabhayisekili ezindaweni zasemakhaya KwaZulu-Natal. UMnyango wezokuThutha unezinhelelo eziningi ezisemqgeni zokufaka isandla kule nselelo."

Oyisikhulu soMnyango wezeMfundu esifundazweni uJudith Dlamini uthe: "Sibonga kakhulu eMnyangweni wezokuThutha ngamabhayisekili njengoba ezokwenza umehluko omkhulu ezinganeni ezihamuka emizini ekhungethe ububha futhi okumele zihamble amabanga amade ngezinyawo ziya noma zibuya esikoleni nsuku zonke. Sezizokwazi izingane ukufika ngesikhathi, zingaphuthi esikoleni, kwehle nezinga lokushiya phakathi isikole kwenyuke izinga lokwenza umsebenzi wesikole."

Uthishanhloko, uMnuz Mandla Mkhulisi uswele ngisho amazwi okubonga kwazise besiqala nje isikole sakhe ukufaka isicelo kodwa samukelwa. UMkhulisi uthe: "Ngokuhlanganya nomele isigungu sokupathwa kwasikole, uNkk Doris Dlamini, sizokwenza umgomu ozolandelwa ekusetshenzisweni kwamabhayisekili nokucinwa kwawo esesimweni kubafundi baseMnyamana Primary School."

# Uhulumeni usalungisa umonakalo wobandlululo kwezokuthutha



UNgqongqoshe uBheki Cele neMenenja yePublic Transport and Freight uSimo Chamane bemukelisa ngesitifiketi omunye wabanikazi bamabhasi abasafufusa.

**I**zinkampani ezinkulu zamabhasi nezamaloli athutha impahla kumele zabelane ngomsebenzi nezinkampani ezincane ukuze kulungiseke umonakalo owadaleka ngesikhathi sobandlululo.

Lokhu kugcizelelwu nguNgqongqoshe wezokuThutha, ukuPhepha nokuXhumanisa uMphakathi uMnuz Bheki Cele ngenkathi kunomcimbi wokuklomelisa ngezitifiketi abanikazi bamabhasi abangaxhasiwe muva nje. Abanikazi bamabhasi abangu-260 abangamalungu eKwaZulu-Natal Bus Council (Kwanabuco) nabankazi bezithuthi zempahla abangu-263 bathole izitifiketi kulandela ukueqeshwa emakhonweni okupathatha imboni yabo.

UCele ugxeke kakhulu abadla ngandoda kwezokuthutha abangayisizi iNingizimu Afrika ukuba ibhekane nezinselelo zokuvala igebe eladalwa ukungalingani kwangesikhathi esedlule. UNgqongqoshe uveze ukuthi u77% wamabhasi axhasiwe usezandleni zamaNdiya, wathi kabalulekile ukuthi silungiswe lesi simo ngoba kwasinye isikhathi "uma unganiki, bazothatha – uma singasebenzi ndawonye njengabafowethu, siyohlale sihlupheka ndawonye njengezilima".

"Ngakho-ke kumele sixoxisane ngomnetho

sabelane ngemihlomulo – abantu baseNingizimu Afrika bangabantu bentando enhle, akumele senze okungalungile," kwengeza uCele.

Uthe: "Ngifuna ukukhuluma nezinkampani zamabhasi esezecebe kakhulu – ngaphambi kokudlulela emabhangue, kudingeka sikhulume – ibhangue lingabolekisa ngemali uma likhona ibhizinisi eliqinisekisiwe. Le ndaba yokudla ngandoda isiphelelwu yisikhathi manje. Uma unamaloli ayikhulu, nika phela omunye mhlambe onamaloli angu-15 okungenani u-20% womsebenzi wakho iminyaka mhlambe emihlanu nje. Uma sikhuluma nabamabhangue ngakulolo hlangothi, baoyokhipha imali baboleke izinkampani zamaloli ezisafufusa."

Uthe labo abagqugquzelwa ukuthi uhlelo IweBroad-based Black Economic Empowerment (BBEE) kumele luphele, bayakhohlwa ngukuthi "isimo sobuphofu eNingizimu Afrika sasihleliwe ngakho-ke uhulumeni wamanje kumele naye ahlele izindlela zokuguqula lokho."

Wengeze wathi: "Njengamanje, iBEE ibonakala ingakeneli futhi isivinini ehamba ngaso asisheshi ngokwanelisayo. Ngenkathi unggondongqondo weBantu Education, uHendrick Verwoed ethi izifundo ezinjengeScience neMathematics akuzona

ezabantu abamnyama, wayenenhlosso ecacile yokuphuca abantu abamnyama amakhono afana nawokubala izimali abazenzayo emabhizinisini abo ngoba vele wayengababhekile ukuthi bangene emabhizinisini. Kwaba yisinqumo sikahulumeni sepoltiki ukunqabela abantu abamnyama lawo makhono, hhayi ngoba siyizilima ezingenamsebenzi walutho."

UCele ubuye wathi unethemba lokuthi ukuqeleshwa okutholwa ngabanikazi bamabhasi kwensiwa kube sezingeni elikahle, hhayi ukuthi kwandiswe isibalo nje sabaqueleshwayo, wathi futhi uyethemba ukuthi kuzobenza bacabange ngendlela euphusile bakwazi ukuba imibuzo engabenza babe ngosomabhizinisini abangcono.

UNgqongqoshe ubuye wezwakalisa ukukhathazeka ngabanikazi bamaloli izimoto zabo esezelele uthuli ngenxa yokungawutholi umsebenzi, kube kulindeleke ukuthi bazikhokhele nyanga zonke.

Wengeze ngokuthi labo abathola izinkontileka zomsebenzi ngaphansi kwezinkampani ezinkulu baphenduka izigqila – "kumele bajexe abenza lokhu."

## Uya ngokugxila umyalezo kaCele wokuvikela ababuthaka



Abafundi baseNcakubana Higher Primary School ngaseXobho sebeqalile ukusebenzisa amakhompyutha abawanikele uMnyango.

**K**usukela aqokelwa ukuba ngungqongqoshe wezokuThutha, ukuphepha nokuXhumanisa uMphakathi, uMnuz Bheki Cele uhlale elwela ukuvikela ababuthaka. Lokhu sekuthinte izinhliziyi zabasebenzi boMnyango asebeqale ukuchamuka namasu abo okusiza imiphakathi ebuthaka.

Ngenkathi kuvalwa izikole

ngJanuary, abafundi baseNcakubana Higher Primary School ngaseXobho babingelewe ngethuba elisha lokusebenzisa amakhompyutha, konke lokhu kungenxa yoMnyango wezokuThutha KwaZulu-Natal

owenze umnikelo.

INcakubana ingesinye sezikole ezazincishwe amathuba phambilini esingenazo izinsiza kufunda ngaphansi kweSisonke District Municipality.UCEDRIC Miya, osebenza eMnyangweni wezokuThutha KwaZulu-Natal wake wafunda kulesi sikole njengoba namanje sisalokhu sisenhliziyeni yakhe.

UMiya, osofikweni Iwamalayisensi okushayela eMnyangweni, ukubeke emahlombe akhe ukuthi abe nomnikelo ekulethweni kwentuthuko yomphakathi wakubo. Ube esecela uMnyango ukuba unikele ngamakhompyutha kulesi sikole. UMnyango nawo awubange usananza wanikela ngamakhompyutha ayishumi nambili okumanje ayasebenza eNcakubana Higher Primary School.

Uthishanhloko uNkk Zoliswa Mkhulisa uthe le mpahla izosiza kakhulu isikole ikakhulu uma kubhaliswa abafundi. "Sinabafundi ababalelwu ku-369 kulesi sikole kanti iningi labazali lisebenza emapulazini lapho lihola ubala. Ayiko ngempela indlela yokuthola imali kalula kule ndawo ukuze uthenge izinsiza kufunda," kusho uMkhulisa.

Wengeze wathi: "Nginokujabula

okukhulu ngomusa okhonjiswe uMnyango wezokuThutha KwaZulu-Natal. Ngiswele amazwi okuchaza indlela engibonga ngayo ngalo mnikeloo".

Ezwakalisa ukujabula kwakhe, uMiya uthe: "Kuyacaca ngempela ukuthi ukuzibophezelu kwethu ngokuvikela ababuthaka sekuthathe elinyi igiya manje. Lobu buchwepheshe obulethwe esikoleni buzocaba indlela yekusasa kubafundi abebencishwe amathuba phambilini. Ngidlulisa ukubonga kwami kuNgqongqoshe uCele neNhloko yoMnyango uDkt Kwazi Mbanjwa -ngaphandle kwabo lokhu bekungeke kwenzeke.

UMiya uthe usefake esinye isicelo samakhompyutha ukuba anikelwe kwestinye isikole - osekuzokuba esamabanga aphakeme endaweni

**"Nginokujabula  
okukhulu ngomusa  
okhonjiswe uMnyango  
wezokuThutha KwaZulu-  
Natal. Ngiswele amazwi  
okuchaza indlela  
engibonga ngayo ngalo  
mnikeloo"**

## Inhloko ye-PTEU izibophezele ngokubeka ezokuthutha umphakathi endaweni efanele



Inhloko yePublic Transport Enforcement Unit uBonginhlanhla Mkhwanazi.

**E**ngoxoxweni ekehethekile neGalelo, uMkhwanazi ohlome nge-Transportation Management Diploma ayithola e-University of Johannesburg, ulandise ngezinselelo nokuphumelelaemsebenzini wokucinwa komthetho eMnyangweni wezokuThutha KwaZulu-Natal asehlale kuwo iminyaka eyishumi nantathu.

UMkhwanazi uqokelwe kulesi sikhundla ngo-2005 kulandela ukushona kuka-Walter Mkhize obephethe lolu phiko.

Upiko Iwe-PTEU lwethulwe

ngokusemthethweni ngo-2002 ngenhlosu yokuqeda izephulamthetho embonini yezokuthutha umphakathi jikelele. Selokhu lugalile lolu phiko lulokhu luthola ukunconya ngokwehla kwezimpi ematekisini esifundazweni. UMkhwanazi uletha imibiko kwiNhloko yoMnyango, uDkt Kwazi Mbanjwa, naye obambe iqhaza elikhulu ekusungulweni kwalolu phiko.

UMkhwanazi ungsigaxamabhande oyiphi likaMqondisi ngaphansi kwe-Road Traffic Inspectorate (RTI) ephethwe nguMqondisi uJohn Schnell.

UNkwali, naye ongomunye wabasunguli be-PTEU, ubhekene nabasebenzi abangu-107 ngaphansi kwakhe, kuhlanganisa amaphoyisa

omgwaqo nabasebenzi basemahhovisi. Ubuye abe nomlando omuhle ohambisana nomsebenzi awenzayo.

Ungubani lo Mkhwanazi? Usukaphi? Yini emenze wafinyelela kulo msesbenzi ophezulu kangaka kwi-PTEU?

"Ngingene kwa-RTI njengophoyisa nge eMtubatuba ngo-1994. Ngemuva kwsikhashana, ngithande ukuthi ngishintshe indawo yokusebenzela ngoba ngibona ukuthi mhlambe uma ngilokhu nighleli lapho ngeke ngikhule njengoba singilapha namhlanje. Ngazalwa ngakhulela eMtubatuba. Njengoba kuyindawo encanyana lena, umuntu ubengalitholi ithuba lokusebenza emigwageni engothelawayaka lapho kulawulwa ijubane ngekhamera kanye nokuthola ezinye izinselelo ezhambisana nokulawulwa kwezimoto kule migwaqo.

"Ligcine lifikile ithuba lokuqhukelwa phambilini ngemuva kweminyaka emithathu ngo-1997 ngenkathi nqiqokelwa ukuba yi-Senior Provincial Inspector esiteshini sase-Groutville ngaKwaDukuza.

"Ngawo wona lo nyaka, uMnyango ubone isidino sokuba kusungulwe uhlelo olwaziwa nge-Special Operations Group (SOG) ukuze kubhekwanie nokucinwa komthetho ezindaweni ezikude lapho kunokuntuleka kwamaphoyisa omgwaqo. Kulolu hlelo Iwe-SOG kwensiwa izivimbamzila kubhekwe nabashayela bedakiwe esifundazweni sonke. Kubuye kusetshenziswe nezimoto ezingenalo uphawu Iwamaphoyisa ukuze izephulamthetho zibambeke kalula zingasanakile zilethwe phambi komthetho.

"I-SOG ibuye yamenya nakwezinye izifundazwe njengase-Free State naseLimpopo lapho ibicobelela ngolwazi lokwenza imisebenzi yokucinwa komthetho ngempumelelo. Ngakho-ke, phakathi kuka-1997 no-1999, bengisebenza KwaDukuza nasesifundazweni sonkana njengoba ngibambe iqhaza nakwi-SOG.

"Ngonyaka ka-2000, ngikhushuleluw ekubeni yi-Principal Provincial Inspector

ngibhekene nokulawula izimoto ezilayisha ngokweqile, ngenxa yamalol alayisha ngokweqile agcina esedala umonakalo emigwageni yesifundazwe. Lo mkhankaso ubuxhaswe ngezimali yi-South African National Roads Agency (SANRAL) kanti ubuhlanganisa izindawo zaseNewcastle, eMnambithi, eMgungundlovu, eMidway (Escort) nasePinetown.

"Yiyona ndlela engihambe ngayo lena KwaDukuza ngaya e-Escourt lapho bengiphetho ithimba labasebenzi abayishumi nambili. Bengibuye ngibe yiphini likamphathi wesiteshi obenabasebenzi abangu-28 ngaphansi kwakhe.

"Ngonyaka ka-2002, obenguNgqongqoshe wezokuThutha manje osenguNdumankulu waKwaZulu-Natal uMnuz S'bu Ndebele uqualise ngokwenza okushiwo yikhomishini yopheno ka-Alexandra mayelana nodlame lwamatikisi KwaZulu-Natal. Lokhu kuholele ekusungulweni kwe-PTEU nalapho ngibe ngomunye wezimenjenya kwaze kwaba ngithatha njengeNhloko ye-PTEU ngo-2005.

Amalungu ethimba likaShaneli angamaphoyisa aeqeshwe ngokucwele anamandla ngokomthetho we-Road Traffic Act. Abuye abe ngabagugqquzelu boxolo ngokulandisa kwasigaba 344 se-Criminal Procedure Act, 1977 (Act 51 of 1977). Njengoba bengamaphoyisa ngokusemthethweni, banamandla ngokomthetho we-Road Transportation Act, 1977, (Act 74 of 1977). Umsebenzi walolu phiko uhlanganisa lokhu:

- Upokhunya nokuvimbela izendo zokwephulwa komthetho.
- Ukuqapha ukuthi umthetho uyagcinwa njengokulandisa kwezigaba zavo.

Amandla alolu phiko ahlanganisa ukufakwa kwezimoto ephawundini, ukubophwa, ukusebenzisa amandla okupoqelela afanele ekubopheni, ukungena emotweni yomuntu, ukufuna imininingwane kumshayeli wemoto, ukungena emagcekeni lapho

kusetshenzwa khona, ukuthatha iphemithi yokusebenza kwemoto, ukubheka isibalo sabantu abalayishiwe nokwenza uphenyo ngamacala.

### ABOUT IGALELO

Igalelo is produced by the KZN Department of Transport.

Letters to the Editor as well as general comments can be forwarded to:  
Igalelo Editor, KZN Transport Department, Private Bag X9043, Pietermaritzburg, 32021. Tel: 033 - 355 8624 Fax: 033 - 355 8632 E-Mail: piwe.mkhize@kzntransport.gov.za Website: www.kzntransport.gov.za

Chief Editor: Mawande Jubasi  
News Editor: Simphiwe Mkhize

Editorial Contributions: Sibongiseni Thabethe, Sandile Nene, Ntombenile Khoza, Musa Mdalose, Henry Mamothame, Sma Zuma, Sajida Asmal, Mandisi Nsele, Nonhlanhla Ndwandwe Secretariat: Marjorie Moruri, Nqobile Mtolo Pictures: Thami Mkhulisa, Siyabonga Mosunkutu Layout/Design & Distribution: Hamraj Gunpath, Elton Naidoo, Zephred Mathe Library Services: Michelle Dally, Lindiwe Shezi

### TRANSPORT RADIO PROGRAMMES:

Lungile Ndlovu

Ukhozi FM's Transport Ibandla

Tuesdays 8-9 pm  
To phone in call 089 310 9193

Listen to the Department's new show on Gagasi 99.5 fm

Thursday 6-7 pm

**GAGASI**  
**99.5FM**